



SULIRANIN AT MGA SOLUSYON SA BARANGAY MALINTA

TAONG 2022

Isang pagbabalak na inihanay kay:

Cary Faye Nuesca

Mga Mananaliksik:

Mercado, Mark Lawrence A.

Castlone, Mhark Angel C.

Suwan, Sofia Michaela G.

Samadan, Renn Cedrick

Sarmiento, Ian Carl C.

Butad, Alizza Mae S.

Gueverra, Jervin B.

Jacinto, Iverson T.

1st Semester 2022-2023





Talaan ng Nilalaman

Kabanata I	3
 Introduksyon	
Kabanata II	5
 Pagpapakilala sa Kinakapanayam	
Kabanata III	6
 Paglalahad ng mga Suliranin o Problema	
Kabanata IV	8
 Mga Hakbang ng Lokal na Pamahalaan	
Kabanata V	9
 Konklusyon	
Apendiks A	11
 Nagtapos na Panayam	
Apendiks B	12
 Mga Tanong sa Panayam	
Apendiks C	13
 Opisyales sa Barangay Malinta	



KABANATA I

INTRODUKSYON

Laganap sa ating bansa ang mga problemang kinakaharap ng mga barangay, kung kaya't sa pamamagitan ng pananaliksik na ito malalaman natin ang isang halimbawa ng suliranin at kung paano ito masosolusyunan.

Napili ng aming pangkat ang Barangay Malinta na pagkukuhanan ng impormasyon na makakatulong sa mambabasa. Upang magkaroon ng mas matibay at konkretong impormasyon, nakipagpanayam ang mananaliksik sa kapitan ng napiling barangay upang malaman ang kalagayan at hinaing ng bawat taong naninirahan dito. Dahil dito, malalaman ang mga opinyon at sariling karanasan ng punong barangay na namumuno bilang isang lingkod bayan. Mas mauunawan ang responsibilidad at mga balakid ng isang kapitan at mapagtutuunan ng pansin ang iba't ibang sitwasyon na nagaganap sa loob ng kanilang barangay.

Ang barangay Malinta ay binubuo ng isang punong barangay na si Rolando L. Erroba, at pitong kagawad na sina Jefrey B. Alcachupas, Carmen J. Jumawid, Jesus H. De Una Jr., Benito A. Ebron, Gaudencio D. Mariano Sr., Genaro Gayahan Calderon, at si kagawad Beny S. Moralde.





Ang barangay Malinta ay isa sa labing anim na baryo na sakop ng bayan ng Los Baños. Binubuo ang barangay Malinta ng anim na Purok. Purok 1, Purok 2, Purok 3, Purok 4, at Purok 5. Ang populasyon ng barangay malinta base sa taong dalwang libo at dalawampu ay anim na libo't limang daan at tatlong pu't isa. Sinasabing nirerepresenta ng barangay Malinta ang limang punto animnapu't anim na porsyento ng populasyon sa buong bayan ng Los Baños.



KABANATA II

PAGPAPAKILALA SA KINAKAPANAYAM

Base sa aming pananaliksik, at sa aming nakapanayam na si kagalang galangang Hon. Rolando L. Eroba na punong Barangay ng Malinta na walong taon ng naninilbihan sa nasabing barangay. Siya ay naging konsehal ng limang taon at isang termino naman bilang isang punong barangay. Ayon sa kanya, bago pa man siya pumasok sa ganitong posisyon ay madalas na siyang tumutulong sa mga tao sa barangay at ito ang nagtulak sa kanya upang maging isang lingkod bayan. Dahil sa kanyang mga narating at mga kasanayan, napatunayan n'yang mayroon siyang taglay na kagalingan upang magampanan ang ganitong posisyon sa kanilang barangay. Tunay ring kahanga hanga at kapitag pitagan si Hon. Rolando lalo na sa mga ginagawa niyang solusyon na maaaring suliranin o problemang kinakaharap ng kanilang barangay. Kung kaya't matutuklasan ng ating mambabasa sa mga sumusunod na kabanata ang kanyang ideya at mga kilos ukol sa mga kaganapan sa kanilang lugar.



KABANATA III

PAGLALAHAD NG MGA SULIRANIN O PROBLEMA

Sa kabanatang ito, ilalahad ng mga mananaliksik ang mga suliranin o problema na kinakaharap ng napiling barangay.

a. Kakulangan sa pondo ng barangay

Batay sa mga nakuhang impormasyon, kauna unahang suliranin ay ang kakulangan sa pondo ng barangay. Alam naman natin na hindi maiiwasan ang ganitong problema lalo na sa mga maliliit na sektor ng pamahalaan. Upang sundan ang nailahad na suliranin, nagkaroon ng mga problema na maaaring maka apekto sa mga proyekto at plano sa pagbibigay ng solusyon sa mga kinakaharap nilang problema. Nahirapan sila sa pagsasatupad ng kanilang mga adhikain lalong lalo na sa usapang badyet na kanilang gagamitin. Dahil na rin sa maraming kalamidad at pandemyang naranasan ng mga mamamayan, mas lalong kinakailangan ng suporta ng barangay ngunit hindi ito magampanan dahil kulang sa gamit at salapi. Datapwat may ganitong suliranin ay nagawan pa rin ito ng solusyon ng butihing konsehal kahit paunti unti. Halimbawa na lamang daw ay ang pagkilos ng barangay noong nagsimula ang pandemya na mismong kapitan pa ang mismong naghahatid sa mga pasyente o may sintomas ng COVID-19 sa mga ospital.



- b. Mga kabataang na nagnanais makapagtapos ng pag aaral ngunit kulang sa pinansyal

Bukod sa pinansyal na kakulangan, may mga kabataan din sa barangay na may kakayahan at nagsusumikap sa pag aaral ngunit hindi makapagtapos dahil walang pera para makapasok sa paaralan. Lingid sa ating kaalaman, ang mga kabataan ang pag asa ng bayan kung kaya't pinagtutuunan din ito ng pansin ng barangay upang masuportahan ang mga kabataan lalo na sa kanilang kagustuhan na maka pagtatapos ng kanilang pag aaral.

- c. Mga kabataang malnourished sa barangay

Karagdagan din sa suliraning kinakaharap ay ang mga kabataang malnourished at walang sapat na nutrisyon na nakukuha sa kanilang pagkain sa araw araw. Batay sa ibang mga pamilya na naninirahan sa barangay, kung ano lamang ang kayang ihain sa pang araw araw ay ayos na at hindi na naiisip ang nutrisyong makukuha rito.



KABANATA IV

MGA HAKBANG NG LOKAL NA PAMAHALAAN

SA MGA SULIRANIN O PROBLEMA

Sa mga nailahad na suliranin at problema ng Barangay Malinta, mayroon din namang kaakibat na hakbang ang lokal na pamahalaan ukol dito at syempre sa tulong na rin ng kanilang kapitan ay nagkaroon sila ng iba't ibang proyekto na talaga namang nakakatulong sa pag unlad ng kanilang lugar.

Kauna unahang solusyon sa kakulangan sa pondo ng barangay ay ang pagkakaroon nila ng tamang pag ba-badyet sa mga salapi upang mapaghati hatian ng ayos at nararapat ang mga nasabing proyekto. Nakikipagusap din ang kapitan sa iba't ibang sponsor o kaya nama'y mga taong may mga mataas ding katungkulan upang matulungan sila tuwing nakukulangan ng badyet sa kanilang gawain. Tulad na lamang ng may paparating na kalamidad, nagbigay sila ng kagamitan kagaya ng generator at mga power saw upang magamit ng mamamayan pagkatapos ng bagyo. Noong pandemic naman ay nagbigay sila ng pagkain, ayuda at tinulungan ang mga taong tinamaan ng sakit na COVID-19 upang magamot sa ospital.



Bilang solusyon naman sa mga kabataang nagnanais na makapagtapos ng pag aaral ngunit walang kakayahan o kapos sa pinansyal, nagbigay ang lokal na pamahalaan ng iskolar sa mga mag aaral na may matataas na grado. Napakalaking tulong nito para sa mga kabataan upang masuportahan sila sa pag aaral at matulungan sa problemang pinansyal. Kung kaya't mas makakapag pokus sila sa pag aaral ng mabuti at makamit ang kanilang pangarap sa buhay.

At bilang panghuli para sa mga malnourished na kabataan, naglunsad ng isang feeding program ang barangay para sa mga kabataang kulang sa timbang. Dahil dito, natulungan ang mga kabataan na makakain ng may sapat na nutrisyon sa araw araw.



KABANATA V

KONKLUSYON

Bilang konklusyon, sa pananaliksik na ito ay nailahad ang mga suliranin ng barangay Malinta ka gaya ng kakulangan sa pondo, kabataang nagnanais makapagtapos ngunit may kakulangan sa pinansyal, at mga malnourished na kabataan. Ngunit makikita rin natin ang epektibong hakbang na inilunsad ng lokal na pamahalaan sa tulong ng kanilang punong barangay na tiyak na may malaking epekto sa kanilang kinakaharap. Nagkaroon din tayo ng ideya kung paano nila sinolusyunan ang ganitong problema na may paninindigan at walang halong pananamantala sa ating mamamayan. Nakakatuwa ring malaman na ginagampanan ng kanilang punong barangay ang kanyang responsibilidad at kung minsan ay siya na mismo ang nangungunang umakasyon sa mga sitwasyong hindi kanais-nais. Makikita rin sa mga impormasyong inilatag na mabigat ang responsibilidad ng isang punong barangay ngunit may malaking naitutulong ito sa pag unlad hindi lamang sa kanilang lugar pati na rin sa buong bansa.

Sa pagtatapos ng pananaliksik, mapapatunayan na magkaroon man ng suliranin sa barangay Malinta ay nasusundan o naagapan agad ito upang hindi na maging mitsa ng mas malalang problema. Nakakatuwa ring malaman na pati ang mga mamamayan sa kanilang lugar ay tumutulong din kapag kinakayanan. Kagaya nga ng ating kasabihan na gaano man kabigat ang problema, kapag nagtulong tulong ay tiyak pa ring masosolusyunan.





Apendiks A

Nagtapos na Panayam



Attended in the interview

- Alizza Mae Butad
- Sofia Michaela Suwan
- Ian Carl Sarmiento
- Jervin Batoon Guevarra
- Mark Lawrence Mercado
- Mhark Angel Castalone





Apendiks B

Mga tanong sa Panayam

- Kamusta po kayo? At ang ating brgy?
- Gaano na po kayo katagal bilang isang lingkod bayan?
- Kelan po kayo nag desisyon na gusto maging lingkod bayan sa Brgy na ito?
- Ano po ang inspirasyon nyo sa pagpatuloy bilang lingkod bayan?
- May mga health-related servives po ba na offer ang barangay?

Kung meron ano-ano po ito?

- Ano po ang inyong vision o plano para sa barangay na ito?
- Nag kakaroon po ba ng mga events sa barangay??
- Ano po ang hinanaing ng ating baranggay sa panahon ngayon?
- Mahirap po ba ang mag-pamamahala/gabayin ang ating Brgy?
- Ano po ang kinaharapan nyo nung problema nung nag ka pandemya hangang ngayon onti-onti na bumabalik sa normal ngayon kasalukuyan?





Apendiks C

Opisyales sa Barangay Malinta

Table 1: Opisyales ng barangay Malinta

OPISYALES	POSISYON
Rolando L. Erroba	KAPITAN
Jefrey B. Alcachupas	KAGAWAD
Carmen J. Jumawid	KAGAWAD
Jesus H. De Una Jr.	KAGAWAD
Benito A. Ebron	KAGAWAD
Gaudencio D. Mariano Sr.	KAGAWAD
Genaro Gayahan Calderon	KAGAWAD
Beny S. Moralde.	KAGAWAD